




Wie die herren alle zen Hiinnen  
 füoren.

XXV. Auentiure.

**N**u lase wir beliben wi si geforen hie.  
 hochgemote rechen die geforn nie.  
 so rehte herliche in deheines chveneges lant.  
 si heten swaz si wolden beidiu waffen vnt gewant.



Der vogt von dem Rine chleidete sine man.  
sehzech vnt tosent als ich vernomen han.  
vnt niuven tosent chnechte gegen der hohgecit.  
di si da heime liezen die beweineten; sit.

Do troch man diu gereite ce Wormez ueber den hoff.  
do sprach da von Spyre ein alter bisshoff.  
zu der schönen Vten vnser frionde wellent varn.  
gegen der hohgeite got muoz ir ere da bewarn.


Do sprach zu zir ehinden diu edel Vte.  
ir soldet hie beliben helde gote.  
mir ist getroumet hinte von angefllicher not.  
wi alles di; gefvegele in disem lande wäre tot.

Swer sich an troume wendet sprach do Hagene.  
der en weiz der rehten märe niht ze sagene.  
wenn ez im ze eren vollechlichen ste.  
ich wil das min herre ze hove nach vrloube ge.

Wir soln gerne riten in Eecln lant.  
da mach wol dienen chuenegen goter held hant.  
da wir da sehovven muozen Eriemhilde hohgezit.  
Hagen riet di reise iedoch gerov ez in sit.

Er hetez wider raten want das Gernot.  
mit ungefvegen worten im also missebot.  
er mant in Sifrides vrovn Eriemhilden man.  
er sprach da von wil Hagene di grosen hove reise lan.

Do sprach von Eronege Hagene durh vorhte ich nine tuo.  
swenne ir gebietet helde so solt ir griffen zuo.  
ia rit ich mit iw gerne in Eeclen lant.  
sit wart von im verhovven vil manich helm vnde rant.



Div schiff bereitet waren da was vil manech man.  
swaz si chleider heten div troch man dar an.  
si waren ummezech vor abendens zit.  
si hooben sich von huse vil harte vröliche sit.

Gezelt vnde hvetten spien man an daz gras.  
anderthap des Rines do daz geschehen was.  
der kneech bat noch beliben daz sin vil schöne wip.  
si trvote noch des nahtes den sinen wätlichen lip.


Posonen slontieren hop sich des morgens fru.  
dar si varn solden da bereiten si sich zu.  
siver liep heten arme der trvote frivndes lip.  
des schet sit vil mit leide des kneech Eeelen wip.

Div chint der schönen Vten di heten einen man.  
chvone vnt getrivve do si wolden dan.  
do sagt er dem kvonege tovgen sinen mot.  
er sprach dez mvez ich tvoren daz ir di hove reise tot.

Er was geheizen Romolt vnt was ein helt cer hant.  
er sprach wem welt ir lazen livte vnt ovch div lant.  
daz niemen chan erwenden ir recken ivvern mot.  
div Eriemhilden märe nie gedvhten mich got.

Daz lant si dir bevollhen vnt min kindelin.  
vnt diene wol den provven daz ist der wille min.  
sven du sehest weinen dem tröste sinen lip.  
iane getot vns nimmer des kvonech Eeeln wip.

Div roff bereitet waren den kvonegen vnt ir man.  
mit minnechlichem chvessen schiet vil maniger dan.  
dem in hohem mote lepte da der lip.  
daz mvse sit beweinen manich wätliches wip.



Do man di snellen recken cen rossen sah gan.  
do chos man vil der vrowen trewehlichen stan.  
daz ir vil langez scheiden sagt in vil wol ir mot.  
vf grozen schaden ce chomene daz herce niemen sanfte tot.

Di snellen Obergonden sich v; hooben.  
do wart in dem lande ein michel voben.  
beidenthaly der berge weinte wip vnt man.  
swi dort ir volch getäte si foren vroeliche dan.


Di Nibelunges helde chomen mit in dan.  
in tosent halspergen ce hys si heten lan.  
vil manige schöne vrowen di gesahen si nimmer me.  
di Sifrides vonden taten Criemhilde we.

Do schicheten si ir reise gegen dem Meovne dan.  
vf durch Ostervranchen di Gventheres man.  
dar leite si do Hagene dem was ez wol bechant.  
ir marschalk was Danchwart der helt von Obergonden lant.

Do si von Ostervranchen gegen Salvelde ritten.  
do mohte man si chiesen an herlichen siten.  
di fversten vnt ir mage di helde lobesam.  
an dem zwelsten morgen der kvenich an di Tynovve quam.

Do reit von Tronege Hagen zaller vorderost.  
er was den Nibelungen ein helflicher trost.  
do der beizte der degen chvone nider vf den sant.  
sin roff er harte balde zv zeinem bovme gebant.

Daz wasser was engozen diu sciff verborgen.  
ez ergie den Nibelungen ze grozen sorgen.  
wi si chomen vebere der wach was in ze breit.  
do erbeizte zv der erden vil manich ritter gemeit.



Leide sprach do Hagene mach dir wol hi geschehen.  
voget von dem Rine nu maht do selbe sehen.  
daz wazer ist engozen vil starch ist im sin flout.  
ia wane wir verliesen noch hiohte hie manigen helt got.

Waz wizet ir mir Hagene sprach der kvenech her.  
durch iover selbes tugende ontröstet vns niht mer.  
den fort sult ir vns suchen hin veber an daz lant.  
daz wir von hinnen bringen beidiv ross vnd ovch gewant.


Ian ist mir sprach Hagene min leben niht so leit.  
daz ich mich welle er trenchen in disen venden breit.  
e' sol von minen handen ersterben manich man.  
in Eceln landen des wil ich goten willen han.

Belibet bi dem wazer ir stolzen ritter got.  
ich wil di vergen suchen selbe bi der flout.  
di vns bringen vebere in Gelfrates lant.  
do nam der starche Hagene sinen guten schildes rant.

Er was vil wol gewaffent den schilt er dannen troch.  
sinen helm vsgebunden licht was er genoch.  
do trvg er ob der brevenne ein waffen also breit.  
daz ee beden eken harte vreislichen sneit.

Do suchet er nah den vergen wider vnd dan.  
er horte wazer giezen losen er began.  
in einem schönem brönnen daz taten wifiv wip.  
di wolden sih da chvelen vnd badeten ir lip.

Hagen wart ir inmen er sleich in tovgen nach.  
do si daz versonnen do wart in dannen gach.  
daz si im entvonnen des waren si vil her.  
er nam in ir gewäte der helt en schadete in niht mer.



Do sprach das eine merewib Hadeborch was si genant.  
edel ritter Hagene wir ton in hie bechant.  
swenne ir vns degen chvone gebet wider vnser wat.  
wi in ze den Hivnen disiu hove reise ergat.

Si swecten sam di vogle vor in vñ der slot.  
des dohten in ir sinne starch vnd got.  
swaz si im sagen wolden er gelovbtez deste baz.  
dez er do hinz in gerte vil wol bescheideten si im das.


Si sprach ir moegt wol riten in Eecln lant.  
des setze ich in ce boergen mine trivve hi ce hant.  
das helde nie gefvoren in deheiniv riche baz.  
nach also grozen eren nñ gelovbet wärliche das.

Der rede was do Hagene in sinem hercen her.  
do gap er in ir chleider vnt sumte sich niht mer.  
do si do angeliten ir wunderlich gewant.  
do sagten si im rehte di reise in Eeclen lant.

Do sprach das ander merewip diu hiez Sigelint.  
ich wil dich warnen Hagen das Aldrianes chint.  
durch der wäte liebe hat min wvome dir gelogen.  
chvemeftu hincen Hivnen so bistu sere betrogen.

Ja sol tu cheren widere das ist dir an der zit.  
wand ir helde chvone also geladet sit.  
das ir sterben moezet in Eecln lant.  
swelhe dar geritent di habent den tot an der hant.

Do sprach aber Hagene ir trieget ane not.  
wie möhtez sich gefvegen das wir alle tot.  
solden da beliben durch iemens haz.  
si begonden im diu märe sagen chventlicher baz.



Do sprach aber div eine ez mo; also wesen.  
daz iwer deheiner chan da niht genesen.  
niwan des chveneges kappelän daz ist vns wol bechant.  
der chvemet gesunt widere in daz Gventheres lant.

Do sprach in grimmem mvote der chvene Hagene.  
daz wäre minen herren mvelich ce sagene.  
daz wir alle en Hivnen solden verliesen den lip.  
noch zeige vns vber; wazer daz aller wifeste wip.


Si sprach sit du der verte niht welles haben rat.  
swa obene bi dem wazer ein herberge stat.  
da inne ist ein verge vnd niender ander swa.  
der märe der er pragte der gelobet er sich da.

Dem vngemveten rechen sprach div eine nach.  
nw bitet noch her Hagene ia ist iu gar ze gach.  
ver nemet noch div märe wir chvomet veber lant.  
dirre marcherre der ist Else genant.

Ein brovoder ist geheizen der degen Gelpfrat.  
ein herre in Beyer lande wi mvelich ez iu stat.  
welt ir durch sine marche ir solt iu wol bewarn.  
vnd solt ovch mit dem vergen vil bescheidenliche varn.

Der ist so grimmes mvotes er lat ioch niht genesen.  
iren welt bi dem helde mit gvoten sinnen wesen.  
welt ir daz er ioh svere so gebet im den solt.  
er hvetet diffes landes vnt ist Gelpfrade holt.

Vnde chvom er niht bezite so rufet veber flot.  
vnd iecht ir heizet Amelrich der was ein helt got.  
der durch sientschepfte roomte dizze lant.  
so chvmt iu der verge svenne im der nam wirt genant.



Der uebermote Hagene der wrouen do reich.  
ern redete niht mere wan das er vaste sweich.  
do gie er bi dem wazer fuer sich an den sant.  
da er anderthalben ein herberge vant.

Er begonde vaste ruoffen hin ueber den flot.  
nw hol mich hi verge sprach der degen got.  
so gip ich dir ce miete einen bouch von golde rot.  
ia ist mir dirre verte daz wizest wärliche not.


Der verge was so riche daz im niht dienen zam.  
da von er lon vil selten von iemen da genam.  
ouch waren sine chnechte vil harte hohgemot.  
noh stunt alles Hagen eine dischalp der flot.

Do ruffte er mit chreffte daz al der wag er doz.  
wan des heldes sterche was michel vnd gros.  
nw hol mich Amelrichen ich pin der Elsu man.  
der durch starche fintschafft disem lande entran.

Vil hohe an dem swerte einen bouch er im bot.  
licht vnd schöne was er von golde rot.  
daz man in ueber forte in Gelpfrades lant.  
der uebermote verge nam selb daz ruder an die hant.

Ouch was der selbe verge nidlich gehit.  
diu gvf nach grozem gote vil böse ende git.  
do wold er ver dienen daz Hagenen gold so rot.  
des leid er von dem degene den swert grimnigen tot.

Der verge ilte genote hin ober an den sant.  
den er dannen horte do er des niht envant.  
do zvrnte er ernslichen als er Hagenen sach.  
vil harte grimmechlich er zu dem degen sprach.



Ir moget wol sin geheizen benamen Amelrich,  
des ich mich hie ver wāne dem sit ir vngelich.  
Von vater vnd von muter was er der bruder min.  
nw ir mich betrogen habt ir moezet dischalp sin.

nein durch got den richen sprach do Hagenē.  
ich bin ein reckē vremde vnt forge vff degene.  
Nw nemet hin vrvontliche hiote minen sollt.  
daz ir mich ober foret ich bin iw wärlichen holt.


do sprach abe der verge des mach niht gesin.  
es habent fiande di lieben herren min.  
Darombe ich niemen vremden fvere in diz lant.  
so liebe dir si ce lebene so tritt vil balde v; an den sant.

nune totes niht sprach Hagenē wan treurech ist min mot.  
nemet von mir ce minne diz golt vil got.  
vnt foret vns veber tosent roff vnt also manigen man.  
do sprach der grimme verge es wirdet nimmer getan.

Er hob ein starchez voder michel vnd breit.  
er sloch vf Hagenen des wart er vngemeit.  
daz er in dem schiffe strochte an siniv chnie.  
so rehte grimmer verge der chom dem Troneger nie.

Do wolde er baz erzornen den vbermoten gast.  
er sloch im einen schalten daz div gar cer brast.  
Hagen ober daz houbet er was ein starcher man.  
da von der Elfen verge grozen schaden da gewan.

Mit grimnegem mote greif Hagen ze hant.  
vil balde ze siner scheiden da er ein waffen fand.  
er sloch im ab daz houbet vnd warf es an den gront.  
div māre wrden schiere den stolzen Gorgonden chunt.



In den selben stunden do er den schifman sloch,  
daz schiff daz vloz en ovve daz was im leit genvch,  
e' erz gerichte widere mveden er began.  
do zoh vil crefteliche des chvonech Ewentheres man.

Mit zwegen harte swinden chert ez der gast,  
vuz im daz starche roder in der hende brast.  
er wolde zu den recken vuz an einen sant.  
da was deheinez mere hen wi schier erz da gebant.


Mit einem schilt vesel daz was ein porte smal.  
gegen einem walde chert er hinze tal.  
do vant er sinen herren an dem stade stan.  
do gie im hin engegen vil manich wätlicher man.

Mit grooze in wol enpfiegen di snellen ritter got.  
do sahens in dem schiffe riechen daz blot.  
von einer starchen vunden die er dem vergen sloch.  
do wart von den degenen gevraget Hagen genvch.

Do der kuenich Ewenther daz heize blot er sach.  
swiben in dem schiffe wi balde er do sprach,  
wan sagt ir mir Hagene war ist der verge chomen.  
iwoer starchez ellen ich wän im daz leben hat benomen.

Do sprach er lovgentliche da ich daz schif da vant.  
bi den wilden widen da lost ez min hant.  
ich han deheinen vergen hinte hie gesehen.  
ez ist ovch niemen leide von minen scholden hi geschehen.

Do sprach von Borgonden der herre Gernot.  
hinte mvz ich sorgen vß lieber frionde tot.  
sit wir der schiffliwte bereite nime han.  
wi wir chvomen vebet des mvz ich tvrende stan.



Vil lote rief do Hagen leit nider vß das gras.  
ir chnehte diu gereite ich gedenche das ich was.  
der aller beste verge den man bi dem Kine vant.  
ia getrove ich ouch wol bringen hin veber in Gelpfrades lant.

Das si dester balder chömen veber slot.  
diu ross si anslagen das swimmen das wart got.  
wand in diu starch vende deheinez da benam.  
etelichez ovvete verre als ez moeden began.


Do trugen si cem scheffe ir golt vnd ouh ir wat.  
sit das si der verte niht mohten haben rat.  
Hagen was da meister des furt er vff den sant.  
vil manigen richen recken in das vnhonde lant.

Zem ersten braht er veber tosent ritter her.  
dar nach sine recken dan noch was ir mer.  
niwntosent knehte furt er an das lant.  
des tages was vnmvzech des Tronegeres hant.

Do er si wol gesunde brahte veber den slot.  
do gedahte vrennder märe der snelle degen got.  
diu im e' da sageten diu wilden merwip.  
des het des choneges kapelan nach ver lorn sinen lip.

Bi dem kappelsavme er den pfaffen vant.  
ob dem heilehtome er leinte an finer hant.  
des moht er niht genizen do in Hagen sach.  
der gotes arme priester moose liden vngemach.

Er swang in vß dem schiffe dar zu wart im gach.  
do rieffen ir genoge nu vaha herre vach.  
Gifelher der ionge zernen erz began.  
ern wolt iz doh niht lassen ir deheinen vnderstan.



Do sprach von Borgonden der herre Gernot.  
was hilffet ioh nu Hagene des kappelanef tot.  
tät ez ander iemen daz sold iu wesen leit.  
umbe welhe schulde habt ir dem priester wider seit.

Der pfaffe swam genote er wolde sin genesen.  
ob im iemen hvelse des mohte da niht wesen.  
wan der starche Hagene vil zornech was gemot.  
er stiez in zu dem grunde daz duhte niemene got.


Do der arme pfaffe der helse nime sach.  
do chert er wider uebere des leid er vngemach.  
swi er niht swimmen chunde im half diu gotes hant.  
daz er wol chom gesunder hin wider v3 an daz lant.

Do stunt der arme priester vnde schotte sine wat.  
da bi sach wol Hagen daz sin niht wäre rat.  
daz im fuer war sageten diu wilden merewip.  
er dahte dise degene mwesen verliesen den lip.

Do si daz schif entluden vnd gar getrogen dan.  
swaz dar vf heten der drier chonege man.  
Hagen sloch ez ce stoehen vnd warf ez an den flot.  
des het michel wonder di recken chvne vnde got.

Zwiv tot ir daz broder so sprach Danchwart.  
wi sol wir ueber so wir di wider vart.  
riten von den Hivnen ze lande an den Rin.  
sit do sagete in Hagene daz des chunde niht gesin.

Do sprach der held von Tronege ich ton iz vf den wan.  
ob wir an dirre reise deheinen zagen han.  
der vns entrinnen welle durch zägeliche not.  
der mu3 an disem wäge doch liden schameliche tot.



Si forten mit in einen v; Borgonden lant.  
einen helt ze sinen handen der was Volker genant.  
der redete späheliche allen sinen mt.  
swaz ie begie der Hagene daz duht den videläre got.

Ir roßf bereitet waren di soomer wol geladen.  
si heten an der verte noch deheinen schaden.  
genommen der si muete wan des chuneges chappelan.  
der muose offe sinen fvezen hin wider zu dem Rine gan.